




ՄԱՅՐ ԱԹՈՌՈՒՄ

Փետրվարի 27-ին, հինգշաբթի.—Հոգևոր ճեմարանի սաների համար առողջապահության մասին դասախոսություն է կարդում բժիշկ Ստեփան Տեր-Ստեփանյանը:

1955—1957 թվականներին սովորել և ա-վարտել է էջմիածնի հոգևոր ճեմարանի դա-սարանական բաժինը: 1957—1967 թվա-կաններին պաշտոնավարել է Բաքվի և Երե-վանի եկեղեցիներում որպես դպիր:

Մարտի 2-ին, կիրակի.—Անառակի կիրա-կի.

Մայր տաճարում պատարագում է արժ. տ. Նշան քհն. Բեյլերյանը: Օրվա տոնի առիթով ոգեշունչ քարոզ է խոսում հոգ. տ. Ներսես ծ. վրդ. Պողապալյանը:

Ս. պատարագին ներկա է լինում Վեհա-փառ Հայրապետը:

Մարտի 13-ին, հինգշաբթի.—Հոգևոր ճե-մարանում իր հերթական՝ 5-րդ դասախոսու-թյունն է կարդում բժիշկ Ստեփան Տեր-Ստեփանյանը, դպրոցական առողջապահու-թյան մասին:

Մարտի 9-ին, կիրակի.—Տնտեսի կիրակի.

Մայր տաճարում պատարագում է արժ. տ. Հովհաննես քհն. Մարությանը: Քարոզում է հոգ. տ. Ներսես ծ. վրդ. Պողապալյանը:

Նույն օրը էջմիածնի ս. Աստվածածին ե-կեղեցում կատարվում է քահանայական ձեռնադրություն: Խարտավիլակի պաշտոնը կատարում է տ. Նարեկ վրդ. Շաքարյանը՝ մասնակցությամբ տ. Գևորգ վրդ. Սերայ-դարյանի: Ձեռնադրությունը կատարում է Մայր Աթոռի լուսարարապետ տ. Հայկազուն արքեպ. Աբրահամյանը, հավատացյալների բազմության ներկայությամբ: Քահանա է ձեռնադրվում հոգևոր ճեմարանի շրջանա-վարտ Աբրահամ սարկ. Մարգարյանը:

Տ. Աբրահամ քահանան ծնվել է 1937 թը-վականին Իրանի Սուլթանապատ քաղաքում: 1946 թվականին ներգաղթել է հայրենիք:

Մարտի 16-ին, կիրակի.—Դատաւորի կի-րակի.

Մայր տաճարում պատարագում է հոգ. տ. Մուշեղ վրդ. Պետիկյանը: Քարոզում է հոգ. տ. Նարեկ վրդ. Շաքարյանը՝ «Պարտ է ձեռ-յամենայն ժամ յաղօթս դալ և ոչ ձանձրա-նալ» բնաբանով:

Մարտի 16-ին, կիրակի.—Այսօր ժամը 12-ին Մայր Աթոռ է այցելում Ֆինն գրող Մարտին Լարնին, որը Հայաստան էր հրա-վիրված Նորոթյունների մամուլի գործա-կալության կողմից: Մարտին Լարնին ու-ղեկցում էր «Սպուտնիկ» հանդեսի խմբագիր Ա. Բորոգավիկին (Ֆինլանդիա): Հարգելի հյուրերին ընդունում է նաև Ամենայն Հայոց Հայրապետը:

*
* *

Մարտի 22-ին, շաբաթ.—«Տօն Սրբոյն Գրիգորի Լուսաւորչին մերոյ. սոսկալի շար-
շարանացն և մտին ի Վիրապն».

Ս. Իջման սեղանի վրա պատարագ է մատուցում հոգ. տ. Ներսէս Ժ. վրդ. Պողապալ-
յանը: «Հայր մեր»-ից առաջ քարոզում է հոգ. տ. Մուշեղ վրդ. Պետիկյանը:

Ս. պատարագը երգում են հոգևոր ճեմա-
րանի ուսանողները:

Պատարագին ներկա է լինում Վեհափառ
Հայրապետը:

*
* *

Մարտի 23-ին, կիրակի.—Գալստեան կի-
րակի.

Մայր տաճարում ս. պատարագ է մատուցում հոգ. տ. Նարեկ վրդ. Շաքարյանը: Քարոզում է արժ. տ. Հովհաննէս քհն. Մարութ-
յանը:

Ս. պատարագին ներկա է լինում Վեհա-
փառ Հայրապետը:

*
* *

Մարտի 29-ին, շաբաթ.—Այսօր, երեկո-
յան ժամը 7-ին, Վեհարանում, Վեհափառ
Հայրապետի նախագահութեան ներքո, գու-

մարվում է Գերագույն հոգևոր խորհրդի հեր-
թական նիստը:

*
* *

Մարտի 30-ին, կիրակի.—Մաղկազարդ.

Մայր տաճարում հանդիսավոր ս. պատարագ է մատուցում հոգ. տ. Ներսէս Ժ. վրդ. Պողապալյանը և «Հայր մեր»-ից առաջ քարոզում՝ «Ցնծացաւ տիեզերք զալստեամբ Աստուածորդւոյն Երուսաղէմ» բնարանով:

Ս. պատարագին ներկա է լինում Վեհա-
փառ Հայրապետը:

Երեկոյան ժամը 6-ին, կատարվում է «Դռնբացէք»-ի հանդիսավոր արարողու-
թյունը, որին նախագահում է Վեհափառ
Հայրապետը:

*
* *

Մարտի 31-ին, երկուշաբթի. —Այսօր
Մայր տաճար է այցելում գերմանացի հա-
յագետ դոկտ. Պաուլ Յուկմանը, Արևմտյան
Գերմանիայից: Հարգելի գիտնականին ըն-
դունում է Վեհափառ Հայրապետը և զրույց
ունենում նրա հետ:

Այնուհետև դոկտ. Պաուլ Յուկմանը այցե-
լում է Եկեղեցական արվեստի թանգարան,
ս. Հովհաննէս և ս. Գայանէ վանքերը:

Ժամը 2-ին հարգելի հյուրը հանդիպում է
ունենում հոգևոր ճեմարանի դասախոսական
կազմի և ուսանողութեան հետ:

